

成名後留別從兄

一辭山舍廢躬畊。無事悠悠住帝城。爲客衣裳多
不穩。和人詩句固難精。幾年秋賦惟知病。昨日春
闈偶有名。却出關東悲復喜。歸尋弟妹別仁兄。

和李裴二舍人酬泉傅見寄

罷草王言星歲久。嵩高山色日相親。蕭條雨夜吟
連曉。撩亂花時看盡春。此世逍遙應獨得。古來閒
散有誰隣。林中長老呼居士。天下書生仰達人。酒
挈數瓶杯亦潤。詩成千首語皆新。綸闈並命誠宜

賀。不念衰年寄止頻。

鏡

鑄為明鏡絕塵埃。翡翠窓前掛玉臺。繡帶共尋龍口出。菱花爭向匣中開。孤光長見鸞蹤在。分處還因鵲影迴。好是照身宜謝女。嫦娥飛向月宮來。

寄崔之仁山人

不得之仁消息久。秋來體色復何如。苦將杯酒剗身病。狂作文章信手書。官職卑微從客笑。性靈閒野向錢疎。幾時家計渾無事。揀取深山一處居。

獨居 極間雅淡酒之筆

深閉柴門長不出。功夫自課少閒時。翻音免問他人字。覆局何勞對手棋。生計如雲無定所。窮愁似影巧相隨。到頭歸向青山是。塵路茫茫欲告誰。

偶然書懷

十年通籍入金門。自愧名微枉縉紳。鍊得丹砂疑不食。從茲白髮日相親。家山迢遞歸無路。杯酒稀疎病到身。漢有馮唐唐有我。老為郎吏更何人。

將歸山

中喜詩 姚合

吾思三對可出調元
勝但本于此者意思
頃言纖巧

野人慣向青山住。自到城中悶不勝。宮樹蟬聲多却樂。侯門月色少於燈。饑來惟擬重餐藥。歸去還應只別僧。聞道舊溪茆屋畔。春風新上數枝藤。

題田將軍宅

焚香書院最風流。莎草緣墻綠蘚秋。近砌別穿澆藥井。臨街新起看山樓。棲禽戀竹明猶在。閒客觀夜未休。好是暗移城裏宅。清涼渾得似江頭。

迎春

年留醉待花開。曉去迎春夜始迴。風暖慢行尋

曲水。天晴遠望立高臺。亦知無處將詩請。惟得終朝把酒催。今日柳條全弄色。遊人相伴看春來。

題崔駙馬宅

心在林泉身在城。鳳凰樓下得閒名。洞中見鑿尋仙路。月裏猶燒煮藥鎚。數樹異花皆勅賜。並竿脩竹自天生。詩人多說離君宅。不得青苔地上行。

偶題

年年九陌看春還。舊隱空勞夢寐間。遲日逍遙芸草長。聖朝清靜諫臣閒。偶逢遊客同傾酒。自有前

意深詳
中多

騶耻見山。道侶書來相責誚。幾回欲報作何顏。

雲

靄靄紛紛不可窮。曼笙歌處盡隨龍。來依銀漢一千里。歸傍巫山十二峰。呈瑞每聞開麗色。避風仍見挂喬松。憐君翠染雙蟬鬢。鏡裏朝朝近玉容。

別春

留春不得被春欺。春若無情遣泥誰。寂寞自疑生冷病。淒涼還似別親知。隨風未辨歸何處。澆酒惟求住少時。一去近當三百日。從朝至夜是相思。

臘日獵

健夫結束執旌旗。曉渡長江自合圍。野外狐狸搜得盡。天邊鴻雁射來稀。蒼鷹落日饑惟急。白馬平川走似飛。蜡節畋遊非為已。莫驚刺史夜深歸。

雪

愁雲殘臘下陽臺。混却乾坤六出開。與月交光呈瑞色。共花爭艷傷寒梅。飛隨郢客歌聲遠。散逐宮娥舞袖迴。其那知音不相見。剡溪乘興為君來。

送河中楊少府宴崔駙馬宅

姚合

理雁馬亦元
狂離

鳳凰樓下醉醺醺。晚出東門蟬漸聞。不使鄉人修驛路。却將家累宿山雲。閒時採藥隨僧去。每月請錢共客分。縣吏若非三載滿。自知無路更尋君。

裴大夫見過

湖南譙國盡英髦。心事相期節義高。解下佩刀無所惜。新聞天子付三刀。

聞新蟬寄李餘

往年六月蟬應到。每到聞時心欲驚。今日槐花還發。却愁聽盡更無聲。

謝李德裕太尉牧杭州

皇恩特許拜杭壇。欲謝旌旄去就難。偷擬白頭瞻畫戟。四神俱散髮毛寒。

晦日宴劉值錄事宅

花落鶯飛深院靜。滿堂賓客盡詩人。城中杯酒家家有。惟是君家酒送春。

贈丘郎中

繞籬栽杏種黃精。曉侍鑪煙暮出城。萬事將身求認易。學君難得是長生。

寄李干

尋常自怪詩無味。雖被人吟不喜聞。見說與君同一格。數篇到火却休焚。

送李起居赴池州

天子念疲民。分憂輟侍臣。紅旗高起。談綠野靜無塵。闕下親知別。江南惠化新。朝昏卽千里。且願話逡巡。

別賈島

懶作住山人。貧家日賃身。書多筆漸重。睡少枕長新。野客狂無過。詩仙瘦始真。秋風千里去。誰與我相親。

和厲玄侍御無可上人會宿見寄

九衢難會客。况復是寒天。朝客清貧老。林僧默悟禪。眠遲消漏水。吟苦墮寒涎。異日來尋我。滄江有釣船。

送劉詹事赴壽州

慇懃莫遽起。四坐悉同袍。世上詩難得。林中酒更高。隋堤傍楊柳。楚驛在波濤。別後書頻寄。無辭費

筆毫。

寄白閣默然

白閣峯頭雪。城中望亦寒。高僧多默坐。清夜到明看。世上無諸苦。林間只一餐。嘗聞南北教。所得比師難。

又

晨食夜復眠。日與月相連。天下誰無病。人間藥是禪。幾生通佛性。一室但香煙。結得無爲社。還應有宿緣。

送裴大夫赴亳州

杭人遮道路。垂泣浙江前。舉國迎舟艦。行歌汴水邊。周旋君量遠。交代我才偏。寒日嚴旌戟。晴風出管絃。一盃誠淡薄。四坐願留連。異政承殊澤。應爲天下先。

秋夜再寄

霜月靜幽居。閒吟夢覺初。秋深夜迢遞。年長意蕭疎。海上歸難遂。人間事盡虛。賴師方便語。漸得識真如。

送徐州韋僅行軍

餞幕儼征軒。行軍歸大藩。山程度幽谷。水驛到夷門。曉日詩情遠。春風酒色渾。逡巡何足貴。所貴盡殘樽。

別李餘

病童隨瘦馬。難美往來程。野寺僧相送。河橋酒滯行。足愁無道性。久客會人情。何計羈窮盡。同居不出城。

送賈暮昔城營川

上國羞長選。戎裝貴所從。山田依法種。兵食及時供。水氣詩書軟。嵐烟筆硯濃。幾時無事擾。相見得從容。

寄杜師義

出處難相見。同城似異鄉。點兵尋戶籍。燒藥試仙方。事校千般別。心還一種忙。黃金如化得。分寄亦何妨。

送裴宰君

見說為官處。煙霞思不窮。夜猿啼戶外。瀑水落厨

中名藥人難識。仙山路易通。還應施靜化。誰復與君同。

寄紫閣隱者

自開樵客說。無計得相尋。幾世傳高臥。全家在一林。養生書最古。採藥路多深。願得為隣里。誰能說此心。

贈盧大夫將軍

將軍身在城。詎得口塵清。釀酒邀閒客。吟詩直禁營。蒼鷹春不下。戰馬夜空鳴。碣石應無業。皇州獨有名。上山嫌髀重。拔劍歎衣生。公議今如此。登壇到即行。

送雍陶遊蜀

春色三千里。愁人意未開。木梢穿棧出。雨勢隔江來。荒館因花宿。深山羨客迴。相如何物在。應只有琴臺。

寄國子楊巨源祭酒

日日新詩出。城中寫不禁。清高宜對竹。閒雅勝聞琴。門戶饒秋景。兒童解冷吟。雲山今作主。還借外

人尋。

送李廓侍御赴西川行營

不道弓箭字罷官。惟醉眠。何人薦籌策。走馬逐旌
旃。陣變孤虛外。功成語笑前。從今舊州路。無復有
烽煙。

贈供奉僧次融

會解如來意。僧家獨有君。開經對天子。騎馬過聲
聞。本寺遠於日。新詩高似雲。熱時吟一句。涼冷勝
秋分。

送楊尚書赴東川

邾穀詩書將。啣恩赴梓州。遶身垂印綬。護馬執戈
矛。劔閣和銘峭。巴江帶字流。從來皆惜別。此別復
何愁。

寄張侯

幽處尋書坐。朝朝閉竹扉。山僧卦茗寄。野客乞詩
歸。秋卷多惟好。時名屈更肥。明年取前字。杯酒賽
春輝。

贈僧紹明

西方清淨路。此路出何門。見說師知處。從來佛不言。今生多病惱。自曉至黃昏。惟寐方無事。那堪夢亦喧。

送徐員外赴河中從事

赤府從軍羨儒衣。結束輕涼颺下山寺。曉浪滿關城。閒坐饒詩景。高岷長道情。將軍不戰術。計日立功名。

病中書事寄友

終日自纏述。此身無適緣。萬愁生雨夜。百病湊寒年。多睡憎明屋。慵行待暖天。瘡頭梳有虱。風耳亂無蟬。換白方多錯。迴金法不全。家貧何所怨。時在老僧邊。

九日寄錢可復

數杯黃菊酒。千里白雲天。綺陌人消得。鄰州客漫顛。靜愁惟憶醉。閒走不勝眠。惆悵東門別。相逢知幾年。

送殷堯藩侍御赴同州

吟詩擲酒船。仙掌白樓前。從事關中貴。主人天下

賢。此生無了日。終歲踏離筵。何計因歸去。深山恣
意眠。

秋日寄李支使

秋思朝來起。侵人暑稍微。曉眠離北戶。午飯尚生
衣。山靜雲初白。枝高果漸稀。聞君家海上。莫與燕
同歸。

金州書事寄山中舊友

安康雖好郡。刺史是慙翁。買酒終朝飲。吟詩一室
空。自知爲政拙。衆亦覺心公。親事星河在。憂人骨
肉同。簿書嵐色裏。鼓角水聲中。井邑神州接。帆檣
海路通。野亭晴帶霧。竹寺夏多風。漑稻長川白。燒
林遠岫紅。舊山期已失。芳草思何窮。林下無相笑。
男兒五馬雄。

送崔中丞赴鄭州

僕射陂前郡。清高越四隣。丹青鳳詔下。太守虎符
新。霧濕關城月。花香驛路塵。連枝相庭樹。歲歲一
家春。

寄紫閣無名頭陀自新羅來

中唐詩 六十二
峭行得如如。誰分聖與愚。不眠知夢妄。無號免人呼。山海禪皆遍。華夷佛豈殊。何因接師話。清淨在斯須。

送丁端公赴河陰

炎天木葉焦。曉夕絕涼飈。念子獨歸縣。何人不在朝。市連風浪動。帆徹海門遙。飲盡罇中酒。同年共寂寥。

贈少室山麻禪僧

秣辭麻爲衲。此中經幾春。菴前多猛獸。徑小絕行人。泉近漬瓶履。山深少垢塵。想師正法指。喻我獨迷津。

送鄭尚書赴興元

儒有登壇貴。何人得此功。紅旗燒密雪。白馬踏長風。斧鉞來天上。詩書理漢中。方知百勝略。應不在彎弓。

寄郁上人

此生修道淺。愁見未來身。誰爲傳真諦。惟應是上人。自悲年已長。漸覺事難親。不向禪門去。他門無

了因。

贈盧沙彌小師

怕見世間事。披剃挂緇衣。年少未受戒。會解如老
師。天與出家腸。一食齋不飢。麻履踏雪路。與馬不
肯騎。嫌我身腥羶。似我見戎夷。彼此見會異。對面
成別離。我師文宣王。立教垂書詩。但全仁義心。自
然便慈悲。兩教大體同。無處辨是非。莫以衣服別
到頭不相知。

送田使君赴蔡州

長年離別情。百盞酒須傾。詩外應無思。人間半是
行。路遙嘶白馬。林斷出紅旌。功業今應立。淮西有
勁兵。

寄孫路秀才

幽居隣里少。江際復山阿。潮去蟬聲出。天晴鶴語
多。老人能步蹇。才子奈貧何。曾見春官語。年來虛
甲科。

贈終南山傅山人

七十未成事。終南蒼鬢翁。老來詩興苦。貧去酒腸

仁慈悲之論自是
絕妙道理是非莫辨
之說未免有病然
為詩以贈沙彌姑
之耳

空。蟠螫身仍病。鵬搏力未通。已無燒藥本。惟有著書功。白馬時何晚。青龍歲欲終。生涯枯葉下。家口亂雲中。潭靜魚驚水。天晴鶴唳風。悲君還姓傅。獨不。夢。高宗。

送無可遊邊

一鉢與三衣。經行遠近隨。出家還養母。持律復能詩。春雪離京厚。晨鐘近塞遲。亦知蓮府客。夜坐喜同師。

師向邊頭去。邊人業障輕。腥羶齋自潔。部落講還成。傳教多離寺。隨緣不計程。三千世界內。何處是無生。

寄安陸友人

別路在春色。故人雲夢中。鳥啼三月雨。蝶舞百花風。煙淨遠山碧。霞歛落照紅。想君登此興。迴首念飄蓬。

送喻鳧校書歸毗陵

主人庭葉黑。詩藁更誰書。闕下科名出。鄉中武籍

除山春烟樹衆。江遠晚帆疎。吾亦家吳者。無因到
樊廬。

送董正字武歸常州覲親

路岐知不盡。離別自無窮。行客心方切。主人樽未
空。楚橋收月下。江樹在湖中。人各還家去。還家慶
不同。

寄賈島時任普州司倉

長沙事可悲。普掾罪誰知。千載人空老。一家冤不
移。吟寒應齒落。才峭自名垂。地遠山重疊。難傳相
憶詞。

贈王山人

賢哲論猶誕。吾宗次定今。詩吟天地廣。覺印果因
深。教演歸恭敬。名標中外欽。既能施六度。了悟達
雙林。

送蕭正字在蔡州賀裴相淮西平

相府旌旄重。還邀上客行。今朝郭門路。初徹蔡州
城。從馬惟提酒。防身不要兵。從來皆作使。君去是
時平。

○寄楊工部聞毗陵舍弟自菴溪入茶山

採茶溪路好。花影半浮沉。畫舸僧同上。春山客共尋。芳新生石際。幽嫩在山陰。色是春光染。香驚日氣侵。試嘗應酒醒。封進定恩深。芳眸千里外。怡怡太府吟。

○寄劉禹錫員外

蟬稀蟲唧唧。露重思悠悠。靜者多便夜。豪家不見秋。同歸方欲就。微恙幾時瘳。今日滄江上。何人理釣舟。
前四余神行不似近體氣味後四妥順相稱

○寄嵩嶽程光範

相別何容易。相逢便歲年。客來嫌路遠。誰得到君邊。岳色鳥啼裏。鐘聲竹影前。只應訪支遁。時得話詩篇。

○秋日書事寄秘書竇少監

秋氣日騷騷。星星雙鬢毛。涼天吟自遠。清夜夢還高。林下期同去。人間共是勞。頭巾何所值。且漉瓮頭糟。

○寄華州崔中丞

口
詩
姚合

蓮華峰下郡。仙洞亦難勝。間里蒼苔水。虛空瀑布
冰。酒香和藥煮。山峭過雲登。清淨黎人泰。惟憂急
詔徵。

夏日書事寄丘元處士

暑天雖可度。豈復更持觴。樹裏鳴蟬咽。官中午漏
長。病夫心益躁。靜者室應涼。幾欲相尋去。紅塵滿
路傍。

寄送盧拱祕書遊魏州

太行山下路。荆棘昨來平。一自開元後。今逢壯客
行。地形吞北口。人事接東京。掃灑氛埃靜。遊從氣
味生。薊門春不艷。淇水暖還清。看野風情遠。尋花
酒病成。官閒身自在。詩逸語縱橫。車馬迴應晚。煙
光滿去程。

送進士田卓入華山

何物隨身去。六經與一琴。高名辭家詩已久。任谷跡應
深。偶坐僧同石。閒書葉滿林。他年須謁帝。無貯白
雲心。通首高老清亮吐毛無疵之作

秋晚夜坐寄院中諸曹長

腰間垂印囊。白髮未歸鄉。還在應相責。朝昏亦自傷。窮愁山影峭。獨夜漏聲長。寂寞難成寐。寒燈侵曉光。

寄李餘卧疾

窮節彌慘慄。我詎自云樂。伊人搜疾恙。所對惟苦

藥。寂寞行稍稀。清羸殮自薄。幽齋外。浮事夢寐亦

簡略。雪戶掩復明。風簾卷還落。方持數杯酒。勉子

同斟酌。

送王建秘書往渭南莊

白鬚芸閣吏。羸馬月中行。莊僻難尋路。官閒易出

城。看山多失飯。過寺故題名。秋日田家作。惟添集

卷成。

寄馬戴

天府鹿鳴客。幽山秋未歸。我知方甚愛。眾說以為

非。隔屋聞泉細。和雲見鶴微。新詩此處得。清峭比

應稀。

寄白石師

白石師何在。師禪白石中。無情雲可比。不食鳥難

口。寺姚合

同。屨下蒼苔雪。龕前瀑布風。相尋未有計。只是禮
虛空。清雅
領聯警按中聯典雅

送李植侍御

聖代無邪觸。空林解豸歸。誰知隴山鳥。長遶玉樓
飛。風雨依山急。雲泉入郭微。無同昔年別。別後寄
書稀。

寄賈島

疎拙祗如此。此身誰與同。高情向酒上。無事在此
中。漸老病難理。久貧吟益空。賴君時訪宿。不避北

齋風。老境

贈張質山人

先生居處僻。荆棘與牆齊。酒好寧論價。詩狂不著
題。燒成度世藥。踏盡上山梯。懶聽閒人語。爭如谷
鳥啼。

送王澹

常省居官處。門前幾樹松。尋山屐費齒。書石筆無
鋒。果熟猿偷亂。花繁鳥語重。今來為客去。借取最
高峰。

寄不疑上人

是法修行遍。方樓不二門。隨緣嫌寺着。見性覺經繁。所歎身將老。始聞師一言。塵沙千萬劫。劫盡佛長存。

贈劉義

自君離海上。垂釣更無人。獨宿空堂雨。閒行九陌塵。避時曾變姓。救難似嫌身。何處相期宿。咸陽酒市春。
想到國祚難而離海上者壯士也故詩亦甚悲壯 五言為人而出調更奇

閒居遣懷

身外無徃役。開門百事閒。倚松聽唳鶴。策杖望秋山。萍任蓮池綠。苔從匝地斑。料無車馬客。何必掃柴關。

二

閒卧銷長日。親朋笑我疎。詩篇隨分有。人事度年無。情性僻難改。愁懷酒為除。誰能思此計。空備滿床書。

三

白日逍遙過。青山復遶池。展書尋古事。翻卷改新

詩。賒酒風前酌。留僧竹裏基。同人笑相問。羨我足
閒時。

四

好景時牽目。茅齋興有餘。遠山經雨後。庭樹得秋
初。道侶憐栽藥。高人笑養魚。優游隨本性。甘被棄
慵疎。

五

永日厨烟絕。何曾暫廢吟。閒詩隨思緝。小酒恣情
斟。看月嫌松密。垂綸愛水深。世間多少事。無事可
關心。

六

一生能幾日。愁恨也無端。遇酒酩酊飲。逢花爛熳
看。青雲非失路。白髮未相干。以此多攜解。將心但
自寬。

七

萬事徒紛擾。難關枕上身。朗吟銷白日。沉醉度青
春。演步憐山近。閒眠畏客頻。市朝曾不到。長免滿
衣塵。

八

野性多疎情。幽棲更稱情。獨行看影笑。閒坐弄琴聲。懶拜腰肢硬。慵趨禮樂生。詩文隨日遣。不是為求名。

九

生計甘寥落。高名愧自由。句極達化慣無身外事。不信世間愁。好酒盈杯酌。閒情任筆酬。涼風從入戶。雲水更

宜秋。

白屏微瑕存于腹比之平直

十

拙直難和洽。從人笑掩關。不能行戶外。寧解走塵間。被酒長酣思。無愁可上顏。何言歸去事。着處是青山。

晚夏

閒居無事擾。舊病亦多痊。選字詩中老。看山屋外眠。片霞侵落日。繁葉咽鳴蟬。對此心還樂。誰知乏酒錢。

送崔之仁

欲出還成住。前程甚謫遷。伴眠隨客醉。愁坐似僧

無微敢筆直

禪。舊國歸何處。春山買欠錢。幾時無一事。長在故人邊。

又寄

百門坡上住。石屋兩三間。日月難教老。妻兒乞與閒。仙經揀客問。藥債煮金還。何計能相訪。終身得在山。

寄山中友人

昨秋今復春。役役是非身。海上無歸路。城中作老人。流年何處在。白日每朝新。聞有長生術。將來未

有因。

街西居

受得山野性。在城多事違。青山在宅南。迴首東西稀。淺淺一井泉。數家同汲之。獨我惡水濁。鑿井庭之陲。自鑿還自飲。亦為眾所非。吁。嗟世間事。潔身誠難為。

早春閒居

寂寞日何為。貧居春色遲。三四句驚風起庭雪。寒雨長簷澌。五句強飲區中事。好句嘲山世外詩。此生仍且在。難與老

寺 姚合

有愧乎其言之

中庸
七十四
相離。

送孫山人

山翁來帝里。不肯住多時。塵土衣裳重。腥膻僕隸
飢。林中愁不到。城外老應遲。喧寂一爲別。相逢未
有期。

寄陝府內兄郭冏端公

蹇鈍無大計。酷嗜進士名。爲文性不高。二年任西
京。相府執文柄。念其心專精。薄藝不退辱。特列爲
門生。事出非自意。喜常少於驚。春榜四散飛。數日
偏八紘。眼始見花發。耳得聞鳥鳴。免同去年春。兀
兀聾與盲。家寄河朔間。道路出陝城。睽違逾十年。
一會豁素誠。同游山水窮。狂飲飛大觥。起坐不相
離。有若親弟兄。中外無親疎。所笑在其情。久客貴
優饒。一醉舊疾平。家遠歸思切。風雨甚亦行。到處
戀仁賢。淹滯一月程。新詩忽見示。氣逸言縱橫。纏
綿意千里。騷雅文發明。永晝吟不休。咽喉乾無聲。
羈貧重金玉。今日金玉輕。

春日

居止日蕭條。庭前惟藥苗。身閒眠自久。眼暗視還
遙。簷燕酌鶯語。鄰花雜絮飄。客來無酒飲。搔首擲
空瓢。

送費驥

兄寒弟亦饑。力學少閒時。何路免為客。無門賣得
詩。幾人攜酒送。獨我入山遲。少小同居止。今朝始
別離。

原上新居

秋來梨果熟。行哭小兒飢。鄰富雞長往。莊貧客漸
稀。借牛耕地晚。賣樹納錢遲。墻下當官道。依前來
竹籬。

送洛陽張員外

餞客未歸城。東來騶騎迎。千山嵩岳峭。百縣洛陽
清。朔雁和雲度。川風吹雨晴。蘇庭公事暇。應祗獨
吟行。

山中寄友

路岐何渺邈。在客易蹉跎。却是去家遠。因循往日
多。幾看春草綠。又見塞鴻過。未有進身處。忍教拋

薜蘿

山中述懷

爲客久未歸。寒山獨掩扉。曉來山鳥散。雨過杏花稀。天遠雲空積。溪深水自微。此情對春色。盡醉欲忘機。

送少府田中丞入西蕃

蕭關路絕久。石堠亦爲塵。護塞空兵帳。和戎在使臣。風沙去國遠。雨雪換衣頻。若問涼州事。涼州多漢人。

遣興

終年城裏住。門戶似山林。客怪身名晚。妻嫌酒病深。寫方多識藥。失譜廢彈琴。文字非經濟。空虛用破心。

寄不出院僧

不行門外地。齋戒得清真。長食施來飯。深居鎖定身。朝昏常彷彿。起坐省逢人。非獨心長淨。亦無一點塵。

萬年縣中雨夜會宿寄皇甫旬

縣齋還寂寞。夕雨洗蒼苔。清氣燈微潤。寒聲竹共來。蟲移上階近。客起到門迴。想得吟詩處。惟應對酒杯。

送王龜處士

送客客為誰。朱門處士稀。惟修曾子行。不着老萊衣。古寺隨僧飯。空林共鳥歸。壺中駐年藥。燒得獻庭闈。

秋日閒居

九陌宅重重。何門憐此翁。荒庭惟菊茂。幽徑與山通。落葉帶衣上。閒雲來酒中。此心誰得見。林下鹿應同。

二

先憶花時節。家山及早歸。愛詩看古集。嗜酒典寒衣。睡少身還健。愁多食不肥。自憐疎懶性。無事出門稀。

客舍有懷

旅人無事喜。終日思悠悠。逢酒嫌杯淺。尋書怕字稠。貧來許錢聖。夢覺見身愁。寂寞中林下。飢鷹掠

到秋

送王求

士有經世籌。自無活身策。求食道路間。勞困甚徒役。我身與子同。日被飢寒迫。側望卿相門。難入堅如石。爲農昧耕耘。作商迷貿易。空把書卷行。投入賈罪責。六月南風多。苦旱土色赤。坐家心尚焦。况乃遠作客。羸馬出郭門。餞飲曉連夕。願君似醉腸。莫設生憂感。

及第後夜中書事

夜睡常驚起。春光屬野夫。新銜添一字。舊友遜前途。喜過還疑夢。狂來不似儒。愛花持燭看。憶酒犯街沽。天上名應定。人間盛更無。報恩丞相閣。何帝殺微軀。

寄舊山隱者

別君須更間。曆日兩度新。念彼白日長。復值人事并。未改當時居。心事如野雲。朝朝恣行坐。百事都不聞。奈何道未盡。出山最艱辛。奔走衢路間。四肢不屬身。名在進士場。筆毫爭等倫。我性本朴直。詞

理安得文。縱然自稱心。又不合衆人。以此名字低。不如風中塵。昨逢賣藥客。云是居山鄰。說君憶我心。顛顛其形神。昔是同枝鳥。今乃萬里分。萬里亦未遥。喧靜終難群。

送朱慶餘及第後歸越

勸君緩上車。鄉里有吾廬。未得同歸去。空令相見疎。山晴樓鶴起。天曉落潮初。此慶將誰比。獻親冬集書。

二

鄉書落姓名。太守拜親榮。訪我波濤郡。還家霧雨城。海山窓外近。鏡水世間清。何計隨君去。隣牆過此生。

感時

憶昔不出身。索寞無精神。逢人話天命。自賤如埃塵。君今纔出身。威爽鞍馬春。逢人話天命。自重如千鈞。一涉名利道。舉動皆喪真。君今自世情。何況天下人。

贈任士曹

姚合

憲皇十一祀共得春闈書道直淹曹掾命通侍玉
除浮生年月促九陌笑言疎何計同歸去滄江有
弊廬

憶山

閒處無人到、垂疎稱野情。日高搔首起、林下散衣
行。泉引窓前過、雲看石罅生。別來愁欲老、虛負出
山名。

送任尊師歸蜀覲親

白雲修道者歸去、春風前玉簡通仙籍。金丹駐母

年錦文江一色酒氣雨相連衆說君平歿真師易
義全

旅懷

客行無定止。終日路岐間。馬爲賒來貴。僮因借得
頑。詩書愁觸雨。店舍喜逢山。舊業嵩陽下。三年未
得還。

揚州春詞

江北煙光滾、淮南勝事多。市鄺持燭入、隣里漾船
過。有地惟栽竹、無家不養鵝。春風蕩城郭、滿耳是

笙歌。

送杜立遊蜀

迢遞三千里。西南是去程。杜陵家已盡。蜀國客重行。雪照巴江色。風吹棧閣聲。馬嘶山稍暖。人語店初明。旅夢心多感。孤吟氣不平。誰爲李白後。爲訪錦官城。

寒食書事

今朝一百五。出戶雨初晴。舞愛雙飛蝶。歌聞百轉鶯。江深青草岸。花滿白雲城。爲政多孱懦。應無酷

吏名。

二

出城煙火少。况復是今朝。閒坐將誰語。臨觴只自誑。塔前春蘚徧。衣上落花飄。伎樂州人戲。使君心寂寥。

送韓湘赴西從事

年少登科客。從軍詔命新。行裝有兵器。祖席盡詩人。細雨湘城暮。微風楚水春。潯陽應足雁。夢澤豈無塵。猿叫來山頂。潮痕在樹身。從容多暇日。佳句

寄須頻。

春晚雨中

寂寂春將老，門人彊自歡迎。風鶯語澁，帶雨蝶飛難。傷砌木初長，眠花景漸闌。臨軒平目望，雨思若爲寬。

送陟遐上人遊天台

萬疊赤城路，終年遊客稀。朝來送歸去，自覺有家非。石淨山光遠，雲深海色微。此詩成亦鄙，爲我寫巖扉。
通首穩當兼詩品高淨

送春

昨迎今復送，來晚去逡巡。芳盡空繁樹，愁多獨病身。靜思傾酒懶，閒望上樓頻。爲向春風道，明年早報春。

夏夜

聞齋深夜靜，獨坐又閒行。蜜樹月籠影，疎籬水隔聲。斷猿時叫谷，棲鳥每搖檉。寂寞求名士，誰知此夕情。

送盧茂才罷舉遊洛謁劉相

年歌。

送杜立遊蜀

迢遞三千里。西南是去程。杜陵家已盡。蜀國客重行。雪照巴江色。風吹棧閣聲。馬嘶山稍暖。人語店初明。旅夢心多感。孤吟氣不平。誰爲李白後。爲訪錦官城。

寒食書事

今朝一百五。出戶雨初晴。舞愛雙飛蝶。歌聞百轉鶯。江深青草岸。花滿白雲城。爲政多孱懦。應無酷吏名。

吏名。

二

出城煙火少。况復是今朝。閑坐將誰語。臨觴只自誑。皆前春。薛徧衣上落花飄。伎樂州人戲。使君心寂寥。

送韓湘赴西從事

年少登科客。從軍詔命新。行裝有兵器。祖席盡詩人。細雨湘城暮。微風楚水春。潯陽應足雁。夢澤豈無塵。猿叫來山頂。潮痕在樹身。從容多暇日。佳句

寄須頻。

春晚雨中

寂寂春將老，門人彊自歡。迎風鶯語澁，帶雨蝶飛難。
傷砌木初長，眠花景漸闌。臨軒平目望，浦思若爲寬。

送陟遐上人遊天台

萬疊赤城路，終年遊客稀。朝來送歸去，自覺有家非。
石淨山光遠，雲深海色微。此詩成亦鄙，爲我寫巖扉。

通首穩當兼詩品高淨

送春

昨迎今復送，來晚去逡巡。芳盡空繁樹，愁多獨病身。
靜思傾酒懶，閒望上樓頻。爲向春風道，明年早報春。

夏夜

聞齋深夜靜，獨坐又閒行。蜜樹月籠影，疎籬水隔聲。
斷後時呌谷，棲鳥每搖檉。寂寞求名士，誰知此夕情。

送盧茂才罷舉遊洛謁劉相

踏碎作賦筆。驅車出上京。離筵俯岐路。四座半公卿。守命貧難擲。憂身夢數驚。今朝赴知己。休詠苦辛行。

送任畹及第歸蜀覲親

予覘啼欲死。君聽固無愁。闕下聲名出。鄉中意氣遊。東川橫劍閣。南斗近刀州。神聖題前字。千人看不休。

秋日有懷

秋來不復眠。但覺思悠然。菊色欲經露。蟲聲漸替蟬。詩情生酒裏。心事在山邊。舊里無因到。西風又一年。

同崔少卿九月六日飲

酒熟菊還芳。花飄盞亦香。與君先一醉。舉世待重陽。風色初晴利。蟲聲向晚長。此時如不飲。心事亦應傷。

送杜觀罷舉東遊

秋風離九陌。心事豈云安。曾是求名苦。當知此去難。辛勤程自遠。寂寞夜多寒。詩句無人識。應須把

劍看。

秋夕遣懷

昨宵白露下秋氣滿山城風勁衣巾脆窓虛筆墨
輕臨書愛真跡避酒怕狂名。祇擬隨麋鹿悠悠過
一生。

和座主相公雨中作

清氣潤華屋東。次雨勻花低驚艷重。竹淨覺聲
真。山際凝如霧雲中散似塵蕭蕭下碧落點點救
生民。緩酒雷霆細微沾瓦礫新詩成難繼和造化
筆通神。

送狄兼譽下第歸故山

慈恩塔上名昨日敗垂成賃舍應無直。居山豈釣
聲。半年猶小隱。數日得閒行。映竹窺猿劇。尋雲採
鶴情。愛花高酒戶。煮藥污茶鐺。莫便多時在烟霄
路在城。

月華臨靜夜

長空埃壒滅。皎皎月華臨。色正秋將半。光鮮夜自
深。九霄晴更徹。四野氣難侵。靜照遙山出。孤明列

宿沉。高人應不寐。驚鵲復何心。漏盡東方曉。佳期
何處尋。

送陸暢侍御歸揚州

故園偏接近。雲水洞庭邊。歸去知何日。相逢各長
年。山川南北路。風雪別離天。楚色窮冬燒。淮聲獨
夜船。從軍丞相府。談笑酒杯前。

中秋看月

亭亭千萬里。三五復秋中。此夕光應絕。常時思不
同。九霄微有露。四海靜無風。惆悵逡巡別。誰能看
碧空。

郡中對雪

霏微着草樹。漸布與堦平。遠近如空色。颼颼無落
聲。飛鷗疑翅重。去馬覺蹄輕。遙想故山下。樵夫應
滯行。

送張副使赴澤路

曉陌事戎裝。風流粉署郎。機籌通變化。除拜出尋
常。地冷饒霜氣。山高礙雁行。應無離別恨。車馬自
生光。

酬任疇協律夏中苦雨見寄

銀漢波瀾溢。經旬雨未休。細聽宜隔牖。遠望憶高樓。
風急飄還斷。雲低落更稠。走童驚掣電。饑鳥啄浮漚。
絲網張空際。珠繩續瓦溝。青蛙多入戶。潢潦欲勝舟。
雷怒疑山破。池渾似土流。灰人漫禳厭。水馬恣沉浮。
廣陌應翻浪。貧居恐作湫。陽精藏不耀。陰氣盛難收。
遠色重林暮。繁聲四壁秋。望晴思見日。防冷擬披裘。
枕潤眠還懶。車羸出轉憂。散空煙漠漠。迸溜竹脩脩。
樹暗蟬吟咽。巢傾燕語愁。琴書涼簟淨。燈燭夜窓幽。
天上那能向。龍邊豈易求。濕煙凝竈額。荒草覆墻頭。
酒思婁方罷。詩情耿始抽。下牀先仗屐。汲井恐飄甌。
危坐徒相憶。佳期未有由。勞君寄新什。終日不能酬。

題鳳翔西郭新亭

西郭塵埃外。新亭制度奇。地形當要處。人力是閒時。
結構方殊絕。高低更合宜。棟梁清俸買。松竹遠山移。
僧寺幽難敵。仙家景可追。良工慙巧盡。上客恨逢遲。
兩面寒波漲。當前嫩柳垂。清虛宜月入。涼

冷勝風吹。宴賞軍容靜。登臨妓樂隨。魚龍聽絃管。
鳧鶴識旌旗。泛鷁春流濶。飛觴白日歎。閒花長在
戶。青蘚乍緣墀。永望情無極。頻來困不辭。雲峰晴
轉翠。煙樹晚逾滋。向野惟貪靜。臨空遽覺危。行人
如不到。遊樂更何爲。

送李秀才赴舉

羅刹樓頭醉。送君西入京。秦吳無限地。山水半分
程。海上烟霞濕。關中日月明。登科舊鄉里。當爲改
嘉名。

秋晚江次

蕭蕭晚景寒。獨立望江壖。沙渚幾行雁。風灣一隻
船。落霞澄返照。孤嶼隔微煙。極目思無盡。鄉心到
眼前。通首寫景如畫集中所僅見但中四微似平頭

除夜

慇懃惜此夜。此夜在逡巡。燭盡年還別。雞鳴老更
新。儼聲方去疫。酒色已迎春。明日持杯處。誰爲最
後人。

送李傅秀才歸宣州

謝守青山宅。山孤宅亦平。池塘無復見。春草野中
生。常日登樓望。今朝送客行。慙慙拂石壁。爲我一
書名。

題金州西園九首

江榭

亭亭白雲榭。下有清江流。見江不得親。不如波上
鷗。有榭江可見。無榭無雙眸。

藥堂

僮僕不到闕。雙扉常自關。四壁畫遠水。堂前聳秋
山。時聞有仙鼠。竊藥簷隙間。

草閣

編草覆柏椽。軒扉皆竹織。閣成似僧居。學僧居未
得。有時公府勞。還復來此息。

松壇

盤盤松上蓋。下覆青石壇。月中零露垂。日出露尚
溥。山翁稱絕境。海橋無所觀。

櫻徑

藥院徑亦高。往來踏櫻影。方當繁暑日。草屨微從

口喜寺姚合

却是櫻徑

冷。愛此不能行。折薪坐煎茗。

竹垣

種竹愛庭際。亦以資翫賞。窮秋雨蕭條。但見墻垣長。宣尼高數仞。固應非土壤。

石庭

布石滿山庭。磷磷潔還清。幽人常履此。月下展齒却從鳴藥草。枝葉動似向。山中生。

苔階

茅堂堦豈高。數寸是苔蘚。只恐秋雨中。窓戶亦不濺。眼前無此物。我情何由遣。

芭蕉屏

芭蕉叢叢生。月照參差影。數葉大如墻。作我門之屏。稍稍聞見稀。耳目得安靜。

送元緒上人遊商山

萬法空門裏。師修歷幾生。過來心已悟。未到行彌精。溪寂鐘還度。林昏錫獨鳴。朝簪抽未得。此別豈忘情。

題厲玄侍御所居

中唐詩九十
幽棲一畝宮。清峭似山峰。隣里不通徑。俸錢惟買
松野人時寄宿。谷鳥自相逢。朝路牀前是。誰知曉
起慵。

濯纓溪

舊山寧要去。此有濯纓泉。曉景松枝覆。秋光月色
連。行尋屐齒盡。坐對角巾偏。寂寂幽棲處。無妨請
俸錢。

泛觴泉

不上酒家樓。池邊日獻酬。杯來轉巴字。客坐遶方
流。醑滴苔文斷。泉連石岸秋。若能山下置。歲晚願
同遊。

垂釣亭

由釣起茅亭。柴扉復竹櫺。波清見絲影。坐久識魚
情。白鳥依窓宿。青蒲傍砌生。欲同漁父舍。須自減
逢迎。

吟詩島

幽島蘚層層。詩人日日登。坐危石是榻。吟冷唾成
冰。靜對惟秋水。同來只老僧。竹枝題寄處。小篆復

誰能。

竹裏徑

一徑嬋娟裏。惟聞靜者知。跡深苔長處。步狹笋生時。高是連幽樹。窮應到曲池。紗巾靈壽杖。行樂復相宜。

題僧院引泉

泉眼高千尺。山僧取得歸。架空橫竹引。鑿石透渠飛。洗藥溪流濁。澆花雨力微。朝昏長遶看。護惜似持衣。

家園新池

數日自穿池。引泉來近陂。尋渠通咽處。遶岸待清時。深好求魚養。閒堪與鶴期。幽聲聽難盡。入夜睡常遲。

送澄江上人赴興元鄭尚書招

師經非紙上。師佛在心中。覺路何曾異。行人自不同。水雲晴亦雨。山木夜多風。聞結西方社。尚書待遠公。

前半靈妙後半順安詢白辭子撤之什

杭州觀潮

寺姚合

樓有章亭號。濤來自古今。勢連滄海闊。色比白雲
深。怒雪驅寒氣。狂雷散大音。浪高風更起。波急石
難沉。鳥懼多遙過。龍驚不敢吟。切如開玉穴。危似
走瓊岑。但褫千人魄。那知伍相心。岸摧連古道。洲
漲踣叢林。跳沫山皆濕。當江日半陰。天然與禹鑿。
此理遣誰尋。

寄題縱上人院

營營是與非。前樂後還悲。今世已如此。他生願似
師。禪房空日暮。畫壁半陳隋。遶徑蒼苔跡。幽人來
是誰。

送馬戴下第客遊

昨來送君處。亦是九衢中。此日慙慙別。前時寂寞
同。鳥啼寒食雨。花落暮春風。向晚離人起。筵收罇
未空。

題貞女祠

此女骨爲土。貞名不可移。精靈闕何處。蘋藻奠空
祠。水石生異狀。杉松無病枝。我來方謝雨。延滯失
歸期。

送王嗣之典儀城

日日困朝位。偷閒塵外行。惟求採藥者。不道在官名。好異嫌山淺。尋幽喜逕生。病來文字拙。休要把歸城。

題刑部馬員外修行里南街新居

帝里誰無宅。青山祇屬君。閒窓連竹色。幽砌上苔文。遠近高低樹。東西南北雲。朝朝常獨見。免被四隣分。

寄題尉遲少卿郊居

卿寺在關東。林居思不窮。朝衣挂壁上。廐馬放田中。偶坐惟禪子。隨行只藥童。初莎留宿露。庭竹出清風。濃翠生苔點。辛香發桂叢。蓮池伊水入。石徑遠山通。愚者心還靜。高人跡自同。無能相近住。終日羨隣翁。

過張邯鄲莊

客行長似病。煩熱束四肢。到君讀書堂。忽若逢良醫。堂前水交流。堂下樹交枝。兩門延風涼。洗我昏濁思。與子還往熟。坐卧恣所宜。時時相獻酬。文字

當酒卮。野飯具葵藿。永日亦不飢。苟食非其所。餘
炙爲疾藜。時清士人間。耕作惟文詞。豈獨鄉里薦。
當取四海知。

楊處士幽居

引水穿風竹。幽聲勝遠溪。裁衣延野客。剪翅養山
雞。酒熟聽琴酌。詩成削樹題。惟愁春氣暖。松下雪
和泥。

題郭侍郎親仁里幽居

入門塵外思。苔徑藥苗間。洞裏應生玉。庭前自有
山。帝城惟此靜。朝客更誰閒。野鶴松中語。時時去
復還。

過無可僧院

憶師眠復起。永夜思迢迢。月下門方掩。林中寺更
遙。鐘聲空下界。池色在清霄。終擬修禪觀。窓間卷
欲燒。

二

參參聽不盡。孤磬與疎鐘。煩惱師長別。清涼我暫
逢。蟻行經古蘚。鶴毳落深松。自想歸時路。塵埃復

幾重

題大理崔少卿駙馬林亭

每來歸意懶都尉似山人臺榭停雙鷺松篁隔四隣
迸泉清勝雨深洞暖如春更看題詩處前軒粉壁新

李處士山居

閒居晝掩扉門柳蔭蔬畦因病方收藥尋僧始度溪
少逢人到戶時有燕啣泥瀟灑身無事名高

齊

題鄭駙馬林亭

東園連宅起勝事與心期幽洞自生藥新篁迸人池
密林行不盡芳草坐難移石翠疑無質鶯歌似有詞
莎臺高出樹蘚壁淨題詩我獨多來此九衢人不知

過稠上人院

清羸一飯師閒院亦披衣應詔常翻譯修心出是非
雪中疎磬度林際晚風歸蔬食頻來此人間護淨稀

題長安薛員外水閣

8
亭亭新閣成。風景益鮮明。石盡太湖色。水多湘渚聲。
翠筠和粉長。零露逐荷傾。時倚高窓望。幽尋小徑行。
林疎看鳥語。池近識魚情。政暇招閒客。惟將酒送迎。

過不疑上人院

九經通大義。內典自應精。簾冷連松影。苔深減履聲。
幸逢當此日。相失恐來生。覺路何門去。師須引我行。

題河上亭

亭亭河上亭。魚躡水禽鳴。九曲何時盡。千峰今日清。
晨光秋更遠。暑氣夏常輕。杯裏移檣影。琴中有浪聲。
岸莎連砌靜。漁火入窓明。來此多沉醉。神高無宿醒。

過曇花寶上人院

九陌最幽寺。吾師院復深。煙霜同覆屋。松竹雜成林。
鳥語境彌寂。客來機自沉。早知能到此。應不戴朝簪。

遊謝公亭

行行方避夢又到謝亭來舉世皆如此伊余何處
迴竹鮮多透石泉潔亦無苔坐與僧同語誰能顧
酒杯

河橋曉望

閒上津橋立天涯一望間秋風波出圻旭日氣連
山偶聖今方變朝宗豈復還崑崙在蕃界作將亦
何顏

過欽上人院

有相無相身惟師說始真脩篁半庭影清磬幾僧
隣古壁丹青落虛簷鳥雀馴伊余求了義羸馬往
來頻

遊杏溪蘭若

踏得碧溪灣晨遊暮不還月明松影路春滿杏花
山戲狖跳林末高僧住石間未離腰下組來此復
何顏

裴考功厲察院同遊昊天玄都觀

性同相見易紫府共閒行陰逕紅桃落秋壇白石

生蘚文連竹色。鶴語應松聲。風定藥香細。樹深泉氣清。垂簷靈草影。繞壁古山名。圍外坊無禁。歸時踏月明。

過城南僧院

寺對遠山起。幽居仍是師。斜陽通暗隙。殘雪落疎籬。松靜鶴栖定。廊虛鐘盡遲。朝朝趨府吏。來此是相宜。

夏日登樓晚望

避暑高樓上。平蕪望不窮。鳥穿山色去。人歇樹陰中。一帶長河水。千條弱柳風。暗思多少事。懶話與芝翁。

夜宴太僕田卿宅

故人九寺長。邀我此同歡。永夜開筵靜。中年飲酒難。微風侵燭影。疊漏過林端。臘後分朝日。天明幾刻殘。

過靈泉寺

偶尋靈跡去。幽徑入清氛。轉壑驚飛鳥。穿山踏亂雲。水從岩下落。溪向寺前分。釋子遊何處。空堂日

漸曛。

宴光祿田卿宅

行裏開華館。珍羞次第嘗。春風酒影動。晴日樂聲長。久坐難辭醉。衰年亦暫狂。慙還繼燭。永夕夢相妨。

霽後登樓

高樓初霽後。遠望思無窮。雨洗青山淨。春蒸大野融。碧池舒暖景。弱柳和風為。有登臨興。獨吟落照中。

過張雲舉院宿

不喫攤麻飯。杯中自得仙。隔籬招好客。掃室致芳筵。家醞香醪嫩。時新異果鮮。夜深惟畏曉。坐穩豈思眠。棋罷嫌無敵。詩成貴在前。來朝題壁上。應得衆人傳。

同裴起居厲侍御放朝遊曲江

暑月放朝頻。青槐路絕塵。雨晴江色出。風度草香新。獨立分幽島。同行得靜人。此歡宜稍滯。此去與誰親。

會將作崔監東園

牆北走紅塵、牆東飛白雲、山光衣上見、藥氣酒中聞。此會誠堪惜、窮秋日又曛、人間惟有醉、醉後復何云。

過杜氏江亭

上國千餘里、逢春且勝遊、暫聞新鳥戲、似解旅人愁、野色吞山盡、江烟襯水流、村醪須一醉、無恨滯行舟。

寄口拾遺乞酒

老人罷卮酒、不醉已經年、自飲君家釀、一杯三日眠、味輕花上露、色似洞中泉、莫厭時時寄、須知法未傳。

乞酒

聞君有美酒、與我正相宜、溢瓮清如水、粘杯半似脂、豈惟消舊病、且要引新詩、况此便便腹、無非是滿卮。

西掖寓直春曉聞殘漏

直廬仙掖近、春暖曙猶寒、隱隱銀河在、丁丁玉漏

中唐詩 一百一
殘微風飄更切萬籟雜應難鳳閣明初啓雞人唱
漸闌靜宜來禁裏清是下雲端我識朝天路從容
自整冠

省直書事

默默滄江老官分右掖榮立朝班近殿奏直上知
名曉霧和香氣晴樓下樂聲蜀牋金屑膩月兔筆
毫精禁樹非烟覆官牆瑞草生露盤秋更出玉漏
晝還清碧蘚無塵染寒蟬似鳥鳴竹深雲自宿天
近日先明屏懦難封詔疎愚但擲觥素餐終日足
寧免衆人輕

假日書事呈院中司徒

十日公府靜中櫺起清晨寒蟬近衰柳古木似高
人學佛寧憂老爲儒自喜貧海山歸未得芝朮夢
中春

夏夜宿江驛

竹屋臨江岸清宵興自長夜深傾北斗葉落映橫
塘渚鬧漁歌響風和角糗香却愁南去棹早晚到
瀟湘

陝城卽事

左右分京闕。黃河與宅連。何功來此地。竊位已經年。天下才彌小。關中鎮最先。隴山望可見。惆悵是窮邊。

和郭端公早朝

魚鑰千門啓。雞人唱曉傳。冕旒臨玉殿。丞相入爐煙。列位同居左。分行忝在前。仰聞天語近。俯拜珮聲連。綵仗祥光動。彤庭霽色鮮。威儀誰可紀。佳史有新篇。

和門下李相餞西蜀相公

聖朝同舜日。作相有夔龍。理化知無外。蒸黎盡可封。燮和皆達識。出入並登庸。武騎增餘勇。儒冠貴所從。贈詩全六義。出鎮越千峰。連日陳天樂。芳筵疊酒鍾。烏臺情已洽。鳳閣分彌濃。棧轉旌搖水。崖高馬蹋松。恩深施遠俗。化美見前蹤。江曉流巴字。山晴聳劒鋒。雙油擁上宰。四海羨臨邛。先路聲華遠。離京詔旨重。歲除今向盡。春色卽相逢。嫩葉抽。頽藥新。苔長翠。茸冰銷。魚澈澈。林暖鳥。雍雍泉落。

中唐詩一百三
聞難盡花開。看不供青城方眷戀。黃閣竟從容。計日歸台席。還聽長樂鐘。

杭州官舍卽事

臨江府署清閒坐。復閒行。苔蘚疎塵色。梧桐出雨聲。漸除身外事。暗作道家名。更喜仙山近。庭前藥自生。

寄暉上人

日出月復沒。悠悠昏與明。修持經幾劫。清淨到今生。林下知無相。人間苦是情。終期逐師去。不礙老塵纓。

和座主相公西亭秋日卽事

西亭秋望好。寧要更垂簾。夫子牆還峻。鄮侯宅過謙。微風紅葉下。新雨綠苔黏。窗外松初長。欄中藥旋添。海圖裝玉軸。書日記牙籤。竹色晴連地。山光遠入簷。酒濃杯稍重。詩冷語多尖。屬和才雖淺。題高免客嫌。

杏溪十首

杏溪

中唐詩 一百四
桃花四散飛。桃子壓枝垂。寂寂青陰裏。幽人舉步
遲。慙慙念此徑。我去復來誰。

蓮塘

方塘菡萏高。繁艷相照耀。幽人夜眠起。忽疑野中
燒。曉尋不知休。白石岸亦峭。

溪路

此路何瀟灑。永無公卿跡。日日多往來。藜杖與桑
屐。路邊何所有。磊磊青淙石。

望江峰

念昔有此峰。在彼江陵先。舉世未能知。遇亦望同
賢。我來心益悶。欲上天公牋。

杏水

不與江水接。自出林中央。穿花復遶澗。一山聞杏
香。我來持茗甌。日夕坐烹嘗。

蒲上竹

葉葉新春筠。下復清淺流。微風屢此來。泱泱復脩
脩。詩人月下吟。月墮吟不休。

楓林堰

森森楓樹林。護此石門堰。杏隄數里餘。楓影覆亦徧。鷓鴣與釣童。質異同所願。

石瀨

散漫復潺湲。半砂半和石。清風波亦無。歷歷魚可擷。我來亦屢久。歸路常日夕。

架水藤

濛濛紫花藤。下覆清溪水。若遣隨波流。不如風飄起。風飄或近人。隨波千萬里。

石瀨

曉向潭上行。夕就潭邊宿。清冷無波瀾。澈澈魚相逐。釣翁坐不起。見我往來熟。

十詩散見選本

余哀集訂正

洛下夜會寄賈島

洛下攻詩客相逢。祇是吟夜觴。歡稍靜寒。屙坐多深。烏府偶爲吏。滄江長在心。懷君難就寢。燭滅復星沉。

寄華州李中丞

毛女峰前郡。煙霞氣轉清。庭分靈掌影。窓度瀑泉

聲。蘇徑人稀到。松齋藥自生。常食亦芝朮。閒客有
公卿。看水逢仙鶴。登樓見帝城。養生非酒病。難隱
是詩名。省署常連步。江皋欲獨耕。偶題無六義。聊
以達微誠。

和厲玄侍御題戶部李相公廬山西林草堂
蒨屋臨江起。登庸復應期。遙知歸去日。自致太平
時。幽藥禪僧護。高窓宿鳥窺。行人盡歌詠。惟子獨
能詩。

病中辱朱諫議惠甘菊藥苗因以詩贈

蕭蕭一畝宮。種菊十餘叢。採摘和芳露。封題寄病
翁。熟宜茶鼎裏。食稱石甌中。香潔將何比。從來味
不同。

舟行書事寄杭州崔員外

張願任酒澆。開眼信花燒。舊國歸何滯。新知別又
遙。夜行篙觸石。晚泊纜依橋。若未重相見。無門解
寂寥。

和鄭相演楊尚書蜀中唱和詩

天福坤維厚。忠賢擁節旄。江同渭濱遠。山似傅巖

高元氣符才格文星照筆毫五言全麗則六義出
風騷聖日麻雙下洪鑪柄共操寵榮連雨露先後
比蕭曹唱絕時難和吟多客詎勞四方雖紙貴誰
怕費錢刀

寄元緒上人

石牕紫蘚墻此世此情涼研露題詩潔銷冰煮茗
香閒雲春影薄孤磬夜聲長何計休為吏從師老
草堂

和戶部侍郎省中晚歸

寒日南宮晚閒吟半醉歸位高行路靜詩好和人
稀古樹苔文匝遙峰雪色微寧知逢彩筆寂寞有
光輝

荅孟侍御早朝見寄

河傾月向西九陌鼓聲齊塵靜霜華遠烟生曙色
低禁門人已度官樹烏猶棲疎懶勞相問登山有
舊梯

酬田就

閒居多僻靜猶恐道相違只是夜深坐那堪春未

歸嫩苔粘野色香絮撲人衣縱有野僧到終朝不
話非

喜胡遇至

窮居稀出入門戶滿塵埃病少閒人問貧惟密友
來。茆齋從掃破藥酒遣生開多事經時別還愁不
宿迴就林燒嫩笋。遶樹揀香梅相對題新什。遲成
舉罰杯。

和元八郎中秋居

聖代無爲化郎中似散仙晚眠隨客醉夜坐學僧
禪。酒用林花釀茶將野水煎人生知此味獨恨少
囚緣。

酬田卿書齋卽事見寄

幽齋琴思靜晚下紫宸朝舊隱同溪遠周行隔品
遙深槐蟬唧唧疎竹雨蕭蕭不是相尋懶煩君舉
酒瓢

謝秦校書與無可上人見訪

道同無宿約三伏自從容窓豁山侵座扇搖風下
松。客吟多遶竹僧飯只憑鐘向晚分歸路莓苔行

跡重。

和太僕田卿酌殷堯藩侍御見寄

在還知分熟酬贈思同新嗜飲殷偏逸閒吟卿亦
貧古苔寒更翠。脩竹靜無鄰。促席燈浮酒。聽鴻霜
滿身。淺才唯是我高論更何人携手宜相訪窮行
少路塵

荅胡遇

一會一分離。貧遊少定期。酒多為客穩。米貴入城
遲。晴日偷將睡。秋山乞與詩。縱然眉得展。不似見
君時。

酬光祿田卿六韻見寄

以病辭朝謁。迂疎種藥翁。心惟念魚鳥。詔遣理兵
戎。遶戶旌旗影。吹人鼓角風。雪晴嵩岳頂。樹老陝
城宮。蒞職才微薄。歸山路未通。名卿詩句峭。請我
在關東。

又酬末伏見寄

下伏秋期近。還知扇漸疎。驚飈墜隣果。暴雨落江
魚。貴寺雖同秩。閒曹只管書。朝朝廊下食。相庇在

中庸言一百十
肴菹

喜賈島至

布囊懸蹇驢千里到貧居
飲酒誰堪伴留詩自與
書愛眠知不醉省語似相疎
軍吏衣裳窄還應暗
笑余

酬楊汝士尚書喜人移居

未得滄江外衰殘讀藥書
聖朝優上秩仁里許閒
居樹對枝相接泉同井不疎
酬章深自鄙欲寄復
躊躇

荅友人招遊

不來知盡怪失意懶春遊
聞鳥寧驚夢看花怕引
愁賭棋招敵手沽酒自扶頭
何似華筵上推辭候
到籌

和李舍人秋日卧疾言懷

閒卧襟情遠西風菊漸芳
虛窓通曉景珍簟卷秋
光果墜青莎徑塵離綠蘚墻
藥奩開靜室書門出
藜篁對酒吟難盡思山夢稍長
王言生彩筆朝服
惹鑪香松影幽連砌蟲聲冷到牀
詩成誰敢和清

思若懷霜

喜喻鳧至

欲出心還懶閒吟。遶寢牀道書蟲食盡酒律客偷
將愁至爲多病貧來減得狂見君何所似如熱得
清涼

哭費拾遺徵君

服儒師道旨糲食卧中林。誰識先生事無身是本
心。空山流水遠故國白雲深。日夕誰來哭惟應猿
鳥吟。

下第

枉爲鄉里舉射鵠藝渾疎歸路羞人問春城賃舍
居閉門辭雜客開篋讀生書以此投知己還因勝
自餘

和膳部李郎中秋夕

浙浙復修修涼風似水流此生難免老舉世大同
愁。螢影明苔蘚鴻聲傍斗牛猶分省署直何日是
歸休

敬宗皇帝挽詞

山房詩一百十二
從諫停東幸垂衣寶曆昌漢昭登位少周代卜年
長綵仗三清路麻衣萬國卷玄宮今一閉終古柏
蒼蒼

二

晚色啓重扉旌旗路漸移荆山鼎成日湘浦竹斑
時臣子終身感山園七日期金莖看尚在承露復
何爲

三

紫陌起仙飈川原共寂寥靈輶萬國護儀殿百神
朝漏滴秋風路筇吟灞水橋微臣空感咽踊絕覺
天遙

和友人新居園上

新居多野思不似在京城牆上雲相壓庭前竹亂
生尋師望藥力依譜上琴聲好是中秋夜無塵有
月明

荅竇知言

冬日易慘惡暴風拔山根塵沙落黃河濁波如地
翻飛鳥皆束翼居人不開門獨我赴省期冒此馳

轂轅陝城城西邊。逢子亦且奔。所趨事一心。相見如弟昆。我慘得子舒。我寒得子溫。同行十日程。僅僕性亦敦。到京人事多。日無閒精魂。念子珍重我。吐詞發蒙昏。反復千萬意。一百六十言。格高思清冷。山低濟水渾。嘗聞朋友惠。贈言始爲恩。金玉日消費。好句長相存。倒篋別收貯。不與俗士論。每當清夜吟。使我如哀猿。

酬萬年張郎中見寄

貢籍常同府。周行今一時。諫曹誠已忝。京邑豈相宜。黑髮年來盡。滄江歸去遲。何時得携手。林下靜吟詩。

謝汾州田大夫寄茸氈葡萄

筐封紫葡萄。筒卷白茸毛。卧暖身應健。含清齒免勞。衾衣疎不稱。梨栗鄙難高。曉起題詩報。寒慙滿筆毫。

喜雍陶秋夜訪宿

曉立侍爐烟。夜歸蓬華眠。露華明菊上。螢影滅燈前。清漏和砧疊。棲禽與葉連。高人來此宿。爲似在

山巔

尋僧不遇

入門愁自散，不假見僧翁。
花落煎茶水，松生醒酒
風。拂牀尋古畫，撥刺看新叢。
別有遊人見，多疑在此中。

和李補闕曲江看蓮花

露荷迎曙發灼灼，復田田。
乍見神應駭，頻來眼尚
顛。光凝珠有蒂，焰起火無烟。
粉膩黃絲藥，心重碧玉錢。
日浮秋轉麗，雨洒晚彌鮮。
醉艷酣千朵，愁紅

思一川綠莖扶萼正，翠葍滿房圓。
淡暈還殊衆，繁英得自然。
高名猶不厭，上客去爭先。
景逸傾芳酒，懷濃習綵箋。
海霞寧有態，蜀錦不成妍。
客至應消病，僧來欲破禪。
曉多臨水立，夜只傍堤眠。
金似明沙渚，燈疑宿浦船。
風驚叢乍密，魚戲影微偏。
穠彩燒晴霧，殷姿纈碧泉。
畫工投粉氣，宮女棄花鈿。
鳥戀驚難起，蜂偷困不前。
遶行香爛熳，折贈意纏綿。
誰計江南曲，風流合管絃。

郡中冬夜聞蛩

秋蛩聲尚在，切切起蒼苔。久是忘情者，今還有事來。微霜風稍靜，圓月霧初開。此思誰能遣，應須執酒杯。

詠破屏風

時人嫌古畫，倚壁不曾收。露滴膠山斷，風吹綃海秋。殘雲飛屋裏，片水落牀頭。尚勝凡花鳥，君能補綴不。

病僧

三年病不出，苔蘚滿藤鞋。倚壁看經坐，聞鐘喫藥

齋。茶烟燠殺竹簷雨，滴穿階無暇。頻相訪，秋風寂寞懷。

得舍弟書

親戚多離散，三年獨在城。貧居深穩卧，晚學愛閒名。小弟有書至，異鄉無地行。悲歡相併起，何處說心情。

文宗皇帝挽詞

垂拱開成化，愔愔雅樂全。千官方就日，四海忽無人。堯舜非傳子，殷周但卜年。聖功青史外，刊石在

陵前。

二

代以無為理車書萬國同。繼兄還付弟。授聖悉推公。雲霧疑無日。笳簫別起風。金莖難復見。寒露落空中。

三

龍歸攀不得。聳在侍臣邊。徹奠新阡起。登山吉從全。關河佳氣散。夷夏哭聲連。寂寞玄宮閉。朝昏千萬年。

劍器詞

夜渡黃河水。將軍險用師。雪光偏著甲。風力不禁旗。陣變龍蛇活。兵雄鼓角知。今朝重起舞。記得戰酣時。

二

破口行千里。三軍意氣纍。展旗遮日黑。驅馬飲河枯。鄰境求兵略。皇恩索陣圖。元和太平樂。自古恐應無。

和王郎中召看牡丹

葩叠萼相重燒欄復照空妍姿朝景裏醉艷晚烟
中乍怪霞臨砌還疑燭出籠繞行驚地赤移坐覺
衣紅殷麗開繁朶香濃發幾叢裁綃樣豈似染茜
色寧同嫩畏人看損鮮愁日炙融嬋娟涵宿露爛
熳抵春風縱賞襟情合閒吟景思通客來歸盡懶
鶯戀語無窮萬物珍那比千金買不克如今難更
有縱有在仙宮

種葦

欲種數莖葦出門來往頻近陂收本土。選地問幽

人靜看惟思長初移未覺勻坐中尋竹客將去更
逡巡

喜馬戴冬夜見過期無可不至

客來初夜裏藥酒自開封老漸多歸思貧惟長病
容苦寒燈焰細近曉鼓聲重僧可還相捨深居閉
古松

從軍樂

每日尋兵籍經年別酒徒眼疼長不校肺病且還
無僮僕驚衣窄親情覺語粗幾時得歸去依舊作

山夫

二

朝朝十指痛。惟署點兵符。貧賤依前在。顛狂一半無。身慚山友棄。膽賴酒杯扶。誰道從軍樂。年來鑷白鬚。

喜覽涇州盧侍御詩卷

新詩十九首。麗格出青冥。得處神應該。成時力盡停。正愁聞更喜。沉醉見還醒。自是天才健。非關筆硯靈。

哭硯山孫道士

修短皆由命。暗懷師出塵。豈知修道者。難免不亾身。永秘黃庭訣。高懸漉酒中。可憐白犬子。間吠遠行人。

楊給事師皋哭亡愛姬英英竊聞詩人多賦

因而繼和

真珠爲土玉爲塵。未識遙聞鼻亦辛。天上還應收至寶。世間難得是佳人。朱絲自斷虛銀燭。紅粉潛銷冷繡茵。見說忘情惟有酒。夕陽對酒更傷神。

莊恪太子挽詞

曉漏啟嚴城。宮臣縞素行。靈輻先鹵簿。新謚在銘旌。雲晦郊原色。風連霰雪聲。淒涼望苑路。春草卽應生。

二

寒日青宮閉。玄堂渭水濱。華夷戩午絕。凶吉禮空新。薤露歌連哭。泉扉夜作晨。吹笙今一去。千古在逡巡。

心懷霜

欲識爲詩苦。秋霜若在。心神清方耿耿。氣肅覺沉沉。皓素中方委。嚴凝得更深。依稀輕夕渚。髣髴在寒林。思勁淒孤韻。聲酸激冷吟。還如飲冰士。勵節望知音。

哭賈島

白日西邊沒。滄波東去流。名雖千古在。身已一生休。豈料文章遠。那知瑞草秋。曾聞有書劍。應是別人收。

二

杳杳黃泉下。嗟君向此行。有名傳後世。無子過今生。新墓松三尺。空塔月二更。從今舊詩卷。人覓寫應爭。

惡神行雲

面神扇簸惡神行。汹涌挨排白霧生。風擊水凹波撲凸。雨滌山口地嵌坑。龍噴黑氣翻騰滾。鬼掣紅光劃。擗哮吼。忽雷聲。揭石滿天啾唧鬧。轟轟

拾得古硯

僻性愛古物。終歲求不獲。昨朝得古硯。黃河灘之側。念此黃河中。應有昔人宅。宅亦作流水。斯硯未變易。波瀾所激觸。背面生罅隙。質狀朴且醜。今人作不得。捧持且驚歎。不敢施筆墨。或恐先聖人。嘗用脩六籍。置之潔淨室。一日三磨拭。大喜豪貴嫌。久長得保惜。

寫硯正面此四句其餘波瀾俱從拾得字上生來

寄右史李定言

纔歸龍尾含雞舌。更立螭頭運兔毫。閭闔欲開金漏盡。冕旒初坐御香高。

奉和前司封蘇郎中喜嚴常侍蕭給事見訪

中唐詩 一百二十一
驚班鬢之什

遶鬢滄浪有幾莖。珥貂相問夕郎驚。祇應爲酒微
微變。不是因年漸漸生。東觀書成號良史。中臺官
罷揖高名。卽提彩筆裁天詔。誰得吟詩自在行。

送李琮歸靈州覲省

餞席離人起。貪程醉不眠。風沙移道路。僕馬識山
川。塞樹花間小。關城雪徧。塵今已盡。應便促
朝天。

新昌里

舊客常樂坊。井泉濁而鹹。新屋新昌里。井泉清而
甘。僮僕慣苦飲食美。翻憎嫌朝朝。忍飢行戚戚。如
難堪。中下無正性。所習便淫耽。一染不可變。甚於
茜與鹽。近貧日益廉。近富日益貪。以此當自警。慎
勿信邪讒。

奉和門下相公雨中寄裴給事

曉起閑看雨。垂簷自滴階。風清想林壑。雲濕似江
淮。石信浮漚重。泥從積藓埋。氣消濃酒力。心助獨
吟懷。颺颺通棊韻。蕭蕭靜竹齋。綵毫無限思念與

夕郎垂

答韓湘

疎散無世用。爲文乏天格。把筆日不休。忽忽有所得。所得良自慰。不求他人識。子獨訪我來。致詩過相飾。君子無浮言。此詩應亦直。但慮憂我深。鑿亦隨之惑。子在名場中。屢戰還屢北。我無數子明。端坐空嘆息。昨聞過春關。名係吏部籍。三十登高科。前途浩難測。詩人多峭冷。如水在胸臆。豈隨尋常人。五藏爲酒食。期來作酬章。危坐吟到夕。難爲聞其辭。益媿我紙黑。

塞下曲

積露黃雲下。凝寒鼓不鳴。戰須移死地。軍諱殺降兵。叩馬秋遮口。蒸沙夜築城。舊鄉歸不得。都尉負功名。

從軍行

濫得進士名。才用苦不長。性僻藝亦獨。十年作詩章。六義雖粗成。名字猶未揚。將軍俯招引。遣脫儒衣裳。常恐虛受恩。不慣把刀鎗。又無遠籌略。坐使

口滅。昨來發兵師。各各赴戰場。顧我同老弱。不
得隨戎行。丈夫生世間。職分貴所當。從軍不出門。
豈異病在床。誰不戀其家。其家無風霜。鷹鷂念搏
擊。豈貴食滿腸。

秋日山中

秋來長早起。拄杖繞階行。風冷衣裳脆。天寒筆硯
清。臨書愛奇跡。避酒怕狂名。不擬隨麋鹿。山中過
一生。

補遺

洞庭葡萄架

吃語詩

葡萄藤。洞庭頭。引葉漾盈搖。皎潔鉤高挂。玲瓏影落
寮。陰烟壓幽屋。濛密夢冥苗。清秋青且翠。冬到凍
都凋。

春日卽事

春來眠不得。誰復念生涯。夜聽四隣樂。朝尋九陌
花。輕烟浮草色。微雨濯年華。乞假非關病。朝衣在
酒家。

寄鄆縣尉李廓少府

歲滿休爲吏吟詩着白衣愛山閒臥久在世此心
稀聽鶴回風立捕魚乘月歸比君才不及謬得侍
形闡

春日江次

野步出茆齋閒行坐石臺久悲鄉路遠猶喜杏花
開鷗鷺皆飛去帆檣何處來因疑千里目落日尚
徘徊

送任畹評事赴沂海

擲筆不作尉戎衣從嫖姚嚴冬入都門僕馬氣益
豪沂州右鎮雄士勇旌旗高洛東無憂虞半夜開
虎牢丈夫貴功勳不貴爵祿饒仰眠作書生衣食
何由銷任生非常才臨事膽不搖必當展長畫逆
波斬鯨鰲九陌塵土黑話別立遠郊孟堅勒燕然
豈獨在漢朝

送李餘及第歸蜀

蜀山高峇嶷蜀客無平才日飲錦江水文章盈其
懷十年作貢賓九年多遭迴春來登高科升天得
梯階手持冬集書還家獻庭闈人生此爲榮得如

君者稀李白蜀道難羞爲無成歸子今稱意行所
歷安覺危與子久相從今朝忽乖離風飄海中船
會合難自期長安米價高伊我常渴饑臨岐歌送
子無聲但陳詞義交外不親利交內相違勉子慎
其道急若食與衣苦熱道路赤行人念前馳一杯
不可輕遠別方自茲

和裴令公新成綠野堂卽事

結構立嘉名軒窓四面明丘壑高莫比蕭宅僻還
清池際龜潛戲庭前藥旋生樹深簷稍邃石峭徑
難平道曠襟情遠神閒視聽精古今功獨出大小
隱居成曙雨新苔色秋風長桂聲携詩就竹寫取
酒對花傾古寺招僧飯方塘看鶴行人間無此貴
半仗暮歸城